

Na osnovu člana 71. i 125. Statuta Općine Vogošća ("Službene novine Kantona Sarajevo", broj: 27/14 - prečišćeni tekst i 14/15), te u skladu sa Sporazumom o načinu isplate jednokratnih pomoći penzionerima sa područja Općine Vogošća zaključenim sa Federalnim zavodom za PIO/MIO Mostar, Općinski Načelnik donosi:

**P R A V I L N I K**  
**O RASPODJELI NOVČANIH SREDSTAVA ZA DODJELU**  
**JEDNOKRATNE NOVČANE POMOĆI PENZIONERIMA KOJI SU KORISNICI MINIMALNE PENZIJE**

**Član 1.**

Ovim Pravilnikom utvrđuju se kriteriji i način dodjele jednokratne novčane pomoći penzionerima koji su korisnici minimalne penzije, a čije je prebivalište/boravište na području općine Vogošća.

**Član 2.**

Cilj dodjele jednokratne novčane pomoći u smislu ovog Pravilnika, predstavlja kontinuiranu brigu o licima treće životne dobi, a koji su korisnici minimalne penzije, kako bi zadovoljili minimum egzistencije, te otklonili posljedice socijalne isključenosti.

**Član 3.**

Finansijska sredstva utvrđena na ekonomskom kodu 614239 - grant pomoć penzionerima sa najnižom penzijom, raspoređuje općinski Načelnik, zaključkom na prijedlog Službe za boračko-invalidsku i socijalnu zaštitu Općine Vogošća (u daljem tekstu Služba), u skladu sa utvrđenim kriterijima, a na osnovu podnesenih zahtjeva putem protokola Općine Vogošća.

**Član 4.**

Pravo na jednokratnu novčanu pomoć mogu ostvariti penzioneri koji su korisnici minimalne penzije.

**Član 5.**

Jednokratna novčana pomoć će se dodjeljivati u visini od 50,00 (pedeset) KM.

**Član 6.**

- a) Zahtjev za dodjelu novčane pomoći po ovom Pravilniku, podnosi se Službi za boračko-invalidsku i socijalnu zaštitu, putem Centra za pružanje usluga građanima Općine Vogošća;
- b) Zahtjev se podnosi na propisanom obrascu uz potrebnu dokumentaciju koja je navedena na zahtjevu, te se isti podnosi samo jednom, i to samo prvi put prilikom ostvarivanja navedenog prava;
- c) Podnesene zahtjeve razmatra Služba za boračko-invalidsku i socijalnu zaštitu, i ako su u skladu sa kriterijima Pravilnika, podnositelj zahtjeva se uvrštava na spisak korisnika za isplatu jednokratne novčane pomoći penzionerima koji su korisnici minimalne penzije, a koja se vrši putem Službe za budžet i finansije i Federalnog zavoda za PIO/MIO Mostar;
- d) Služba za boračko-invalidsku i socijalnu zaštitu Općine Vogošća vodi računa o ažuriranju spiska, te o kontinuiranom i ravnopravnom ostvarivanju prava korisnika u skladu sa finansijskim mogućnostima.

## **Član 7.**

Općina Vogošća će finansijska sredstva za isplatu jednokratne pomoći penzionerima u skladu sa članom 5. ovog Pravilnika, prenijeti na transakcijski račun Federalnog zavoda za PIO/MIO Mostar koji će u skladu sa zaključenim Sporazumom o načinu isplate jednokratne novčane pomoći penzionerima sa područja Općine Vogošća doznačivati penzionerima prema spisku korisnika/penzionera kojima su odobrena sredstva sa naznakom "Donacija Općine Vogošća".

## **Član 8.**

Stupanjem na snagu ovog Pravilnika, prestaje da važi Pravilnik o raspodjeli novčanih sredstava za dodjelu jednokratne novčane pomoći penzionerima u stanju socijalne potrebe sa područja općine Vogošća, broj: 09/1-35-1359/19 od 04.07.2019.godine.

## **Član 9.**

Izmjene i dopune ovog Pravilnika vršit će se na način i po postupku koji važi za njegovo donošenje.

## **Član 10.**

Ovaj Pravilnik stupa na snagu narednog dana od dana objavljivanja na oglasnoj ploči Općine Vogošća.

Broj: 09-31-15/21

Datum: 05.01.2021. godine

OPĆINSKI NAČELNIK

  
Edin Smajić